

孟塗後集

埽葉山房
精印

桐城劉開明東

桐陰閣上元即事

樓臺四畔影瓏玲。玉管誰從隔岸聽。燈火江村難掩樹。月華世界欲無星。芳塵隱約隨車去。香霧朦朧為客停。最是赤闌干外路。夜寒人靜酒初醒。

自大雷渡江抵皖阻雨

江平風漾波千疊。青天入波面生摺。今晨我自雷陽涉。片雲繫在蒲帆葉。春來水急風力輕。下流勢與風怒爭。居然破風走百里。撥雲露出皖公城。雲陰壓地天乍黑。冒雨徑投寺樓側。古佛相對疑舊識。病僧訝我風塵色。亦知客途宜耐寂。地近故鄉遲不得。人生真識行路難。慎勿輕為歸思逼。

江亭小住感賦

倦倚高亭酒正闌。尋思舊事去無端。半生花月填離恨。獨客風霜謝冷歡。故國春從書裏到。隔江山入夢中寒。歸時定徙西牕榻。自翦羅衣住碧巒。

喜陳大變過訪坐談達旦即贈

四海論交日。當時得雪樓。謂陳大治似君殊獨絕。遇我後千秋。興到非因酒。詩工不藉愁。江亭最高處。珍重一宵留。相訪月明下。歸遲僧閉門。別來春又冷。坐處室為溫。薄酒深情在。孤雲此

意存今宵歡已盡不用更傾尊

喜徐六襄農部歸里即贈

翔鳳凌霄振羽翰江花春落彩毫端歸來舊雨仍年少別去長安識路難八載雲烟驚著夢

寒金倉早繫君王念珍重臺即待濟艱

初夏有感

親知海內半朱輪一劍南天去住頻到眼風光乘別恨驚心雲物半殘春繫舟溪柳誰同折若雨牆花且自新沽酒就隣須縱飲倚樓猶是故園身

江樓看月

樓高收得月明多四面天光接水波遠岸竟難分曉夜此身直欲到星河忘情我說他鄉好佳會天留獨客過日日遲眠惜風景年華猶覺易消磨

隱几

隱几和明月當牕對遠山倦游非愛靜小病學偷閒人與酒同淡鳥呼春不還唯應芳草色青照別時顏

姚幼樵孝廉自都回里時客皖城訪余于江樓為竟夜之談成此奉贈即用留別

江光盡處野烟浮高館風生氣欲秋四海倦交今識子十年懷舊共登樓歸來虎觀誰詞藻別後龍文鬱斗牛鄉國乍逢謀痛飲茫茫身世正多愁深宵四望露淒清坐久高談不盡情

江水平。隨人語。靜月華。近向客心明。千秋未定能知我。萬里曾游浪得名。慚愧風塵行太促。寸懷從此為誰傾。

贈朱魯岑

世俗輕游客。文章賤布衣。飢寒吾道在。天地此身微。君昔矜蘭佩。人誰攬荔帷。理源河漢遠。詞藻日星輝。道屈才難展。行高眾易違。中年猶落寞。同輩已輕肥。似我交隣晚。論心見恨稀。清秋懷一劍。白日掩雙扉。事業存行卷。勲名矢釣磯。酒看今夕醉。名悟昔年非。每欲勤餐菊。相期咏采薇。南山有鴻鵠。志不慕高飛。

題趙子昂畫馬

神妙江都早軼傳。子昂此法亦千秋。人間久已無騏驎。真種還須向畫求。金勒紛紛盡驚駘。圖中今日見龍媒。不須九馬爭神駿。一骨能空絕域才。圖中止一馬杜陵長句將軍筆。畫手詩家各擅能。寫出風雲千里足。莫教紙上便飛騰。

書憤

萬卷吟殘忽雨聲。廿年古恨積難平。時清正士偏分黨。俗濁庸夫恥好名。得路鸞皇憑自許。當場蠻觸苦相爭。成功儘有尋常輩。一歎難邀阮步兵。

途中贈姚大度凝

江左論文物。詞壇屬老成。風流空往事。邂逅足生平。小艇容高卧。衰年耐遠征。聽來終夜雨。猶

作故園聲。我尋雷岸月。君挂秣陵烟。今昔同為客。江天忽叩舷。雨聲消酒渴。雲影入詩禪。老去豪情在。相期采玉蓮。

明珠

明珠一顆出于闌。生小玲瓏闌月圓。妝罷細看雲尚薄。倦來不奈柳初眠。酒寒南國三宵後。春記東風二月前。最好華年工怨思。可憐錦瑟恨多絃。瓊花顏色水雲思。正值瑤房日暖時。剪燭拭將臨別淚。惜春留取未開枝。愛聞弱海愁行遠。有約瓊霄恨到遲。說是三生惆悵事。人天望斷玉參差。

雜憶

少小事游戲。蘭房笑語頻。未知君子意。不敢遽相親。翡翠琢為環。鴛鴦繡作結。生小愛嚴妝。非關闌花月。花飛貼儂袖。拋去落池心。小鬟不解事。故自逐蜻蜓。冰蠶絲百結。宛轉久纏綿。為感金仙願。吐向春風前。乍近翻疑恨。重來轉自羞。可憐新柳弱。今始識春愁。驗彼芙蓉瓣。紅留一捻痕。不須當日坐。良玉自然溫。芳香悅人魄。况復未開時。還須傍花立。他日費相思。將來綾一幅。繡出似迴文。彩鳳銜花舞。枝枝紅向君。儂有花香串。紅珠粒粒圓。贈君無一語。懷此已三年。來時怯春寒。去時歎春暮。此心直隨君。數遍去來路。欲語寸心難。離懷強自寬。恐妨花見笑。速遣淚痕乾。莫問後來期。情多喜亦悲。神風共靈雨。離合總狐疑。瓊瑤曾夢想。託契愛游仙。聞說銀河淺。相隨泛月邊。

答程仲芳見贈二律即次其韻時仲芳與余有同居之約

卜得深林徑桃花水七重為君遂初約對我破愁容石室春長住瑤田歲豈凶躬耕同此志夙慕北山農人結素心友山如太古時棲鸞宜翠竹替鶴覓靈芝雲影欲留迹樹聲時到帷此中塵世隔珍重十年期

自大雷回皖僑寓陟園清暉閣

客途久已倦征輪暫假園林一洗塵樓與江山爭暮色樓中晚眺尤佳人當霄漢寄閒身逃名我愧韓康伯縱酒誰尋賀季真城郭萬家空在望此心唯共水雲親

雨中望大龍山

烟雨微茫裏龍山欲到門入江唯濕翠塵郡尚飛雲檻外峯奇秀天南氣吐吞懸知岩僻處猿鳥自稱尊

小別

小別渾如醉相思空復春妾心與郎面一見一回新

清暉閣獨坐

芳草共斜陽吳天極望長浮雲自明滅遠水合青蒼勝地身嫌俗勞人夢亦忙好憑此高閣獨坐卜行藏

夜感

華燈無燄照鄉情。夜酒初闌。劍氣橫古。徑樹深沈。月色高樓。人倦枕江聲。西牕風雨虛前約。南國雲天累此生。明日桐川歸放櫓。入山先遣鶴來迎。時將游九曲

新月

春氣感人速。好風當夜來。妾心自驚覺。不待繡幃開。故人說歲華新。

啼鳥乍呼春。烟光薄未勻。愁顏日如

樓中消夏

惜春況是游歸後。消夏難勝睡起初。連日正嫌花事少。一生愛近月明居。樓中烟雨詩情併。江外雲山客夢餘。日坐畫圖身不覺。愁城尚仗酒攻除。

孟塗後集卷十

桐城劉開明東

咏二喬

辭卻深閨傍將臺。天生佳耦自無媒。千秋姊妹傾城福。一代君臣快婿才。遺跡人空尋建業。故居地合近蓬萊。芳名原數東吳盛。金粉南朝事總哀。
幕府雲深隱畫樓。千戈粉黛豔揚州。能空青史多情累。一洗紅顏薄命愁。年少英雄皆眷屬。偏安家國擅風流。江南亦有如花女。自惜容華怨蹇修。

題姚文愷臣集

劍鬱青霞筆走雷。平生懷抱肯輕開。半空雲錦先秋製。一夕河聲壓紙來。老去人猶推碩望。數奇天亦妬公才。硯南著述千秋事。珍重書成續玉杯。

哭姬傳先生

靈光海內慟無存。多士同聲哭達尊。星日至今懸鳳藻。東南從此失龍門。神歸寥闕闕天意。福占名山亦主恩。漫說九州多岳瀆。眼中何處睹崑崙。
早年染翰重西清。壯歲辭榮出上京。時某相國柄政欲保升侍御史先生竟以此辭歸淵府竟從滄海拓。景星長近故鄉明。百家陶鑄歸宗匠。一代人文屬老成。今日風前多少淚。傷情不獨為師生。
筆頭風雨泣無端。卷裏龍蛇鬱怒盤。身後集教千載定。斗南天為一人寒。平生學與時賢別。垂老躬逢曠典難。謂重宴鹿鳴回首三冬長立處。

當年積雪未曾乾

歐門賓客筆如椽。玉局深蒙永叔憐。四海論才偏我獨。

開幼以書謁先生謬蒙數賞

有國士無雙之稱

一生知己更誰先。別來夢斷金陵月。哭罷秋殘皖口烟。譜得水仙新操就。海天無路

覓成連。

題洋畫

曉樓烟淡籠輕綺。花枝約寒聚瓶水。佳人身在碧琉璃。綠波一寸吹難起。家傍天南半月山。求道無如擇婿艱。自知絕色難為匹。妝罷時看鏡裏顏。學仙不向洞天住。數遍峯頭蝶來去。早識春風落畫圖。悔不藏形入雲霧。珠江淪落疑塵埋。有人千里攜歸來。不因碧海丹青手。那遇瑤臺曠代才。神光離合映紅壁。月華界面淚痕積。春愁如夢尋無迹。對儂不語已三年。良宵獨立春可憐。

姚幼樵孝廉以寶刀見贈口占四十字報之

別主寧無數。雄心為我傾。從今風雨夜。莫作不平鳴。

萬里行相伴。難忘解贈情。防身原有

術。聊借作干城。

哭定南刺史蕭蒙泉

一別偏無再見緣。交情存沒只三年。貧因祿仕官翻悞。死忘人知我尚憐。身後妻孥餘涕淚。篋中雷雨認詩篇。章門便是山陽地。不待重過已慘然。

將赴都門留別里中兼寄東南諸友

河千垂柳故珍珍。北上征車欲駕騁。挾策年仍慚少壯。看山我已遍東南。花因別主開含恨。酒到離筵少亦酣。從此遨遊非舊地。風烟一路喜初探。
直北關河護紫宸。蓬萊宮闕望無垠。鞦韆花紅奪千門日。禁柳青收萬國春。畫閣勲名原曠代。登壇詞賦更何人。攜來南國珊瑚樹。擬向銀河結釣緡。
龍眠千疊是吾家。嶺表歸來不泛槎。一別夢寒滄海月。三年看老故園花。酒痕狼藉餘芳草。詩思孤騰逼暮霞。聞說上林春似海。東風遲我到京華。
花鳥前途問去蹤。望中樓閣隱蒼龍。幾年碧海期空近。二月黃河凍不封。破浪知憑雙桂楫。愛山難別九夫容。莫言此去知音少。伯樂原從冀野逢。
名區閱盡向幽燕。懷古多情住玉鞭。白雪有歌人兩地。黃金買骨事千年。已從南國辭江表。漸看中原到馬前。為報相思須北望。少微星過楚雲邊。

途中口占

碧沙漠漠草蕭蕭。人別江南路正遙。忽覺鄉心滿湖水。數聲歸雁度雲霄。

哭丁文薌林

文物東南盡。

謂姬傳夫子

凋零又老成。精靈空嶽色。意氣落江聲。偃蹇深林志。淒涼後代名。天高如

可問。願為訴平生。

痛惜陵雲氣。沈淪六十年。禿毫仍異采。衰夢尚前賢。此別悲千古。孤懷

隔九泉。向來知己淚。重此灑江邊。

江行即事

浪花紅上釣魚船。人泊斜陽酒市邊。樓閣夜深簾透月。江天春醉柳眠烟。吹殘愁思唯宜笛。買盡雲山不使錢。徑挂孤帆向京口。金山寺下水如天。

抵揚州

金碧凋零剩墨多。揚州無奈客心何。紅橋岸上青青柳。三月烟濃不過河。

漕河晚發

河隄北望旅愁生。千里鄉關客獨行。雲氣半天林隱現。湖光四面日陰晴。衝寒野艇添詩境。破曉微風讓櫓聲。見說桃花春漲減。江淮鳴雁不勝情。

黎湛溪河帥招飲奉贈

天南高處景星懸。使者來從北斗邊。時方入覲賞幸逢千載下。受知己愧六年前。書檄月白疑親客。幕府燈紅正啟筵。攜得鴻篇歸去讀。袖中不覺雲烟。

淮城有感

金隄一線接江皋。澤國西風起暮濤。雁下雲中先客渡。河從天半壓城高。全淮地勢陰寒集。旅館春心去住勞。不信元龍生此處。到今意氣復誰豪。春流直下海雲間。時海口舒通使者巡河自此還。風浪有靈三月靜。魚龍不動萬人閒。安瀾久為蒼生慶。上策先聞紫殿頒。時方修治河方畧從此淮徐皆樂國。我皇南顧壽天顏。無雙國士困塵囂。憑弔淮陽舊迹遙。一飯王孫悲失路。千秋楚水變前朝。風雲不假奇才便。鄉里能令壯氣消。明日登車更回首。釣臺春暗草蕭蕭。

蕭。天涯踪跡慣風波。一夕春愁去渡河。南望竟同花柳隔。北來唯覺水沙多。半宵離夢難聽雨。百里平原不見坡。可惜枚皋擅詞賦。游梁歲月早蹉跎。

渡黃河

片帆截處走驚雷。到此能雄亦壯才。星日氣皆隨水變。泥沙源豈自天來。濤聲馬上偏穿過。春色江南惜界開。最是客愁流不盡。茫茫心事浪雲隈。

宿遷道中

平遠飛沙入大荒。征途人共馬蹄忙。雲連曉氣寒猶白。天到中原色盡黃。宿國風烟春闇淡。項王居處日蒼涼。壯游久負男兒志。弔古翻教憶故鄉。

道上見梨花

風光拋我已天涯。自到江南見此花。薄暮客心看不得。動人春色正清華。

將至泰安口占

垂楊夾道水潏洄。破曉東風送客來。欲謁岱宗無介紹。雲中先自揖徂徠。

登泰山

坐鎮神州接太清。尊嚴未肯闢奇橫。地擎日月雙峯挂。人共風霆一處行。河遠帶從空際繫。路高天向鳥邊傾。破寒不待晨光白。要聽金雞第一聲。

青天一線石為門。紺壁長留太古痕。

地迥自能通造化。身微敢便小乾坤。崖開洞府神為護。山起平無勢更尊。極目萬仙樓外路。遠

烟數點是中原。巖端小語碧天聞。足下紅泉帶紫芬。古樹春消秦代雨。斷碑人掃漢時雲。瀑流怒捲驚風至。海色高從絕頂分。七十二君遺迹盡。金泥何處覓靈文。

至絕頂復成二律

萬里仙靈集。天門夜不闕。入懷都是霧。到眼更無山。海日紅全濕。雲霄碧有斑。丈人峯獨立。對我展愁顏。一覽烟嵐盡。山河到石旁。九州無界限。萬古止青蒼。游子雲衣薄。天孫玉闕涼。回頭望松栢。黛色已茫茫。

抵濟南觀趵突泉

百川分道流向東。憑高趨下千古同。天公忽欲破此例。仙源倒出馮夷宮。飛流上穿地為裂。石旁湧出三堆雪。直從水面起奇峯。霜花欲散仍凝結。一重波落一重生。勢若銀浪來相爭。風雨驟至不能遏。寒光飛動搖水晶。疑是神龍久伏不肯出。口噴雪沫澆太清。靈泉氣悶洩無處。出地時作不平鳴。不然水仙好遊戲。轉下為高豈無計。水中伎倆施已窮。突從平地展神異。地潔如聞山谷音。流清不帶魚龍氣。此泉伏見豈偶然。四時不竭如神淵。托身不借高山境。獨力能開地底天。我聞濟水性情急。黃河雖大勢難敵。纖塵半點容不得。恥與羣泉爭地行。獨自潛流出山側。唯此變態成激湍。風霆作聲冰作色。已讓江河派占先。四瀆名羞居末川。地中隱迹千餘載。鬱作人間第一泉。

偕徐丈游大明湖

淺碧波心暮靄橫。隔亭人在畫中行。一天雲影長搖岸。半面湖光不出城。短葦界成烟水路。微風低應酒船聲。七橋名勝今何在。望遠難為旅客情。

陳笠颿中丞邀同觀珍珠泉

濟南之山秀無比。濟南之水中起。天開勝地出靈源。七十二泉從此始。我從山左騁游踪。登岱手折青夫容。紫鸞叫我未肯去。為謁使者下雲中。使者置酒快胸臆。花徑不掃翠長滴。相攜同看珍珠泉。方池影亂瓊瑤色。是時風定無纖埃。水中雲散天自開。明珠倒從水天落。出地無聲時湧來。纍纍有源不知處。人言地下無根荄。但見一氣噴薄成此狀。直上不肯稍盤迴。前珠纔沒後珠出。欲斷不斷勢相續。初見連珠生兩旁。忽然一串走中央。小舟蕩入雲乍黑。珠亦隨人浮水側。分明眾顆一齊來。及至水面轉無迹。珠泉之異世所無。我今對此生歎歎。世人藏珠動盈篋。玩好徒供七尺軀。何如此間泉萬斛。吐出珍珠意未足。流出溝渠養萬民。珠圓點點勝金粟。使者且勿誇奇觀。眼底齊州天海寬。濟人自有長流澤。莫惜如珠一樣看。

多矣。今見此書，乃知古人自書，乃成。若此，則一卦未

出，而先見其終，此其所以為神也。夫此書之出，蓋天之所授，非人之所能為也。

人得此書，而後知天地之理，此其所以為神也。夫此書之出，蓋天之所授，非人之所能為也。

聖人得此書，而後知天地之理，此其所以為神也。夫此書之出，蓋天之所授，非人之所能為也。

聖人得此書，而後知天地之理，此其所以為神也。夫此書之出，蓋天之所授，非人之所能為也。

聖人得此書，而後知天地之理，此其所以為神也。夫此書之出，蓋天之所授，非人之所能為也。

聖人得此書，而後知天地之理，此其所以為神也。夫此書之出，蓋天之所授，非人之所能為也。

聖人得此書，而後知天地之理，此其所以為神也。夫此書之出，蓋天之所授，非人之所能為也。

聖人得此書，而後知天地之理，此其所以為神也。夫此書之出，蓋天之所授，非人之所能為也。

聖人得此書，而後知天地之理，此其所以為神也。夫此書之出，蓋天之所授，非人之所能為也。

孟塗後集卷十一

桐城劉 開明東

齊都懷古

郊原地敞盡耕桑。誰問龍門講業場。大國聲華惟海岱。古時齊魯擅文章。黃河南走移風氣。紅日東窺出混茫。欲覓營邱何處是。野烟九點正青蒼。平沙莽莽接登萊。十二河山勢壯哉。海嶠勲名循吏占。魚鹽生計此邦開。仲連性逸原奇士。呂望謀高總霸才。憑弔漫嫌饒壯氣。登臨曾到岱宗來。連天飛閣隱雲東。寂寞於陵迹已空。一季竟能回槁餓。二桃何事殺英雄。

青嶺遺恨春風裏。白日驚心客路中。指點前途識關吏。棄繻我已愧終童。海邦形勢擁寰瀛。

雞犬徒聞四境聲。仲父成功由鮑叔。昌黎失意感田橫。論才久薄三千客。懷古頻看七十城。

莫笑牛山揮涕淚。古來人主慣多情。車前一曲飯牛歌。白石當年勝蹟磨。稷下不聞談士至。

濟南惟有好山多。全齊風景難為住。三月春宵未易過。明日玉鞭西指處。黃雲北望塞滹沱。

將抵都門言懷寄呈諸先達暨同游眾君子

九衢駟馬集烟寰。有客乘車獨叩關。才拙自宜甘短褐。時清敢說卧名山。拜颺天上夔龍在。來去人間鳥雀閒。咫尺燕南風景地。好雲待我更開顏。離懷日日壓征鞍。吟到燕關路幾盤。西北山形爭怒出。禁城春色總高寒。奪來造化千秋易。脫却風塵一日難。不是昌黎心太熱。同游多半在長安。少小耽奇似玉川。江花關柳住吟鞭。不辭別路三千里。已客諸侯十五

年失志厭傾吳市酒。有才須賦帝京篇。洛中故友都相諒。季子原無二頃田。
楚邱此來却未應徵求。敢因謀祿干知己。直為驅愁作壯游。俠士須尋燕趙地。詩人多住
王州。推賢況有韓安國。珍重文成學鳳樓。

閨情

芳草碧無盡。游絲爾許長。即行渡河北。妾夢久漁陽。鳥語無人記。春心有淚將。願為連理樹。時
集紫鴛鴦。

喜周南卿來都即送回里

三年不走江南道。野花爛漫如春草。東風無主鶯亂啼。相思不見令人老。蹇驢獨自上長安。新
知強對難為歡。君來一見忽驚呼。頭上墮卻芙蓉冠。書生那測天心意。顛倒才人若游戲。聚散
瞬息無難易。門前車騎鳴金珂。南歸秋氣臨關河。故人對面風塵多。有懷不盡重相過。樽酒尚
溫奈別何。

題黃明府竹裏彈琴圖

修竹淡秋色。枯桐傳素心。一彈清晝晚。四顧綠雲深。太古境如此。空林天半陰。莫嫌人不覺。好
月是知音。

贈萬香海

早時同聽楚江濤。駐馬長安首更搔。萬里春愁隨客至。十年別思為君勞。樽前氣挾西山動。眼